



Broj: 05/1-50-13-29-17-5/16
Sarajevo, 3.3.2016.

IZVJEŠTAJ

sa sastanka članova Nezavisnog odbora Parlamentarne skupštine BiH kao nezavisnog tijela policijske strukture BiH s rukovodstvom Granične policije BiH

Sastanak je održan 17.2.2016., s početkom u 10 sati, u prostorijama Granične policije BiH u Sarajevu. Prisustvovali su: Zoran Galić, direktor Granične policije BiH, Zijad Srabović, zamjenik direktora Granične policije BiH, Slobodan Krstić, pomoćnik direktora za organizaciju i operacije, Mato Jozić, drugi zamjenik predsjednika Nezavisnog odbora, Adisa Begić i Miroslav Škorić, članovi Nezavisnog odbora, te Ivana Lovrić, sekretar Nezavisnog odbora.

Direktor Granične policije BiH Zoran Galić poželio je dobrodošlicu članovima Nezavisnog odbora i rekao da je na raspolaganju za sva eventualna pitanja.

Mato Jozić, drugi zamjenik predsjednika Nezavisnog odbora, kratko je obrazložio razlog posjete. Reкао je da je posjeta organizirana u skladu s Planom i programom rada Nezavisnog odbora za 2016. godinu s ciljem održavanja kontinuiteta saradnje s policijskim agencijama iz svoje nadležnosti. Također, napomenuo je i da je Nezavisni odbor na zadnjoj sjednici razmatrao dopis Granične policije BiH, a vezano za Informaciju o Prijedlogu odluke o utvrđivanju Plana prijema kadeta za 2016. godinu kojim obavještava članove Nezavisnog odbora da je Ministarstvo finansija i trezora BiH broj kadeta u činu „policajac“ smanjilo na 50 što je u suprotnosti sa usvojenim budžetom Granične policije BiH za 2016. godinu gdje je planirano 100 kadeta u činu „policajac“ i 20 u čini „mlađi inspektor“, te je Nezavisni odbor donio zaključak da će posjetiti Graničnu policiju s ciljem pružanja eventualne podrške.

Direktor Granične policije Zoran Galić istakao je da je najveći problem Granične policije BiH kadrovska nepopunjenost jer kojih u ovom trenutku nedostaju 564 policijska službenika. Dodatni problem nastao je i kad je u novembru i decembru 2015. godine 40 policijskih službenika podnijelo zahtjev za penzionisanje. Sve ovo može imati velike posljedice na funkcioniranje Granične policije BiH, jer već sada na nekim graničnim prijelazima nije moguće organizirati smjene.

Također, jako veliki problem je i to što policijska akademija u Mostaru ima smještajni kapacitet za 143 kadeta za tri policijske agencije (Granična policija BiH, Državna agencija za istrage i zaštitu BiH i Direkcija za koordinaciju policijskih tijela BiH), a potrebno je 300, pa je prijedlog bio da se kadeti preraspodijele na akademiju na Vraca (Sarajevo) i Banju Luku, ali nije dobio podršku.

U svrhu pronalaska rješenja postoji dogovor između ministra sigurnosti BiH, direktora Državne agencije za istrage i zaštitu BiH, direktora Granične policije BiH i direktora Direkcije za koordinaciju policijskih tijela BiH o izmjeni Zakona o policijskim službenicima o eksternom prijemu policijskih službenika na svim niovima. To znači da bi se preraspodjelom policijskih službenika iz drugih agencija, kada se za to ukaže potreba, donekle riješio problem.

Galić je naglasio da je u međuvremenu Vijeće ministara BiH prihvatilo Odluku o utvrđivanju Plana prijema kadeta u 2016. godini prema kojoj će Granična policija BiH u ovoj godini moći primiti 150 kadeta u činu „policajac“ i 20 u činu „mlađi inspektor“ pa je planirano da se za otprilike mjesec dana raspiše konkurs, obavi selekcija i do 1.9.2016. Akademija počne raditi. Naglasio je i da je jako teško napraviti selekciju jer na konkurs uvijek pristigne između sedam i devet hiljada aplikacija.

Ono što je jako bitno naglasiti je i to da Granična policija BiH od 2010. godine nije primala nove kadete, a planom Granične policije BiH ih je za svaku godinu planirano 100 i 20 mlađih inspektora.

Drugi zamjenik predsjednika Nezavisnog odbora Mato Jozić osvrnuo se još i na migrantsku krizu u Evropi i regionu kao i na Sporazum o međusobnom pružanju pomoći i operativnoj saradnji agencija za provođenje zakona koji je potpisan između Direkcije za koordinaciju policijskih tijela BiH, Državne agencije za istrage i zaštitu BiH, Granične policije BiH, Federalnog ministarstva unutrašnjih poslova – Federalna uprava policije i Ministarstva unutrašnjih poslova Kantona Sarajevo na teritoriji Kantona Sarajevo. Jozić je mišljenja da sporazum koji je potpisan na državnom nivou a važi samo za određenu teritoriju može imati posljedice što potvrđuje i događaj u Srebrenici 11.7.2015.

Direktor Granične policije BiH Galić istakao je da je i on sličnog mišljenja te da je Granična policija BiH imala stav da takav sporazum ne potpisuje jer je saradnja već definirana u članu 18. Zakona o Graničnoj policiji.

Zamjenik direktora Granične policije BiH Zijad Srabović je također naglasio da bi, pored izmjena Zakona o policijskim službenicima o eksternom premještanju, još jedna izmjena bila bi jako značajna, a to je da se izmijeni član u vezi s internim premještanjem policijskih službenika gdje bi rukovodilac mogao premjestiti policijskog službenika 80 kilometara i više na 4 godine, a ne na jednu godinu kao što je to sada.

Galić je želio naglasiti i da je napravljena analiza trenutnog stanja u Graničnoj policiji BiH i da se polako krenulo u određene reforme kako bi bili što funkcionalni i profesionalniji. Nastoji se smanjiti broj rukovodećih službenika a povećati broj službenika na terenu. U planu je također da se od četiri nivoa rukovođenja izbaci jedan.

Ono čime su nezadovoljni je operativni plan. Svaki regionalni centar trebalo bi da ima svoju operativnu bazu što sada nije slučaj.

Članovi Nezavisnog odbora na kraju su naglasili da će Nezavisni odbor i dalje, u okviru svojih nadležnosti, pružati podršku radu Granične policije BiH i poželjeli im mnogo uspjeha.

Sastanak je završen u 12 sati.

**DRUGI ZAMJENIK PREDsjedNIKA
NEZAVISNOG ODBORA**

Mato Jozić